

Diskriminacija je svaki postupak razlikovanja i nejednakosti tretmana osobe ili grupe osoba. Može biti zasnovana na spolu, jeziku, nacionalnom i vjerskom identitetu, socijalnom ili društvenom porijeklu, spolnoj orijentaciji, fizičkim karakteristikama (invaliditetu) kao i svakoj drugoj okolnosti koja ima za svrhu ili posljedicu da bilo kojoj osobi onemogući ili ugrožava priznavanje, uživanje ili ostvarivanje na ravnopravnoj osnovi prava i sloboda u svim oblastima javnog života.

Poštovani korisnici usluga ove obrazovne ustanove, da li znate da

**u skladu sa Zakonom o ravnopravnosti spolova BiH, Zakonom
o zabrani diskriminacije BiH, zakonima o osnovnom i srednjem obrazovanju,**

ova škola/obrazovna ustanova mora:

- Osigurati svakom djetetu jednako pravo pristupa i jednake mogućnosti učešća u obrazovanju u skladu sa djetetovim razvojnim potrebama i mogućnostima;
- Prema vama se ponašati jednako kod uslova prijema, pružanja usluga, vrednovanja rezultata u toku obrazovanja, izricanja disciplinskih mjera;
- Imati takve nastavne planove, programe i metodologije koji garantiraju eliminaciju stereotipnih programa, koji za posledicu imaju diskriminaciju i nejednakost među spolovima, bez sadržaja koji promoviraju nejednakost među spolovima i diskriminaciju;
- Poduzeti efikasne mjere zaštite protiv diskriminacije na osnovu spola, uznemiravanja i seksualnog uznemiravanja;
- Imati posebne pravilnike i tijela, kao i jasne procedure kojima se sprječava i sankcioniše diskriminacija i učiniti ih dostupnim korisnicima svojih usluga;
- Pravila i procedure o zabrani diskriminacije prilagoditi jeziku djeteta;
- Imati vidno istaknutu informaciju/uputu kome se korisnik usluge može žaliti na učinjenu diskriminaciju u ustanovi;
- Zaposlenici ove škole ne smiju ignorisati diskriminaciju bez obzira od koga se vrši ili nad kim se vrši u ovoj školi.

Šta možete uraditi ukoliko ova škola čini diskriminaciju?

- Žalite se razredniku, školskom pedagogu, direktoru škole, upravnom odboru škole i usmeno i pismeno;
- Obratite se nadležnom ministarstvu obrazovanja, pedagoškoj inspekciji;
- Prijavite diskriminaciju Instituciji ombudsmena BiH, Agenciji za ravnopravnost spolova BiH, entitetskim gender centrima;
- Protiv onoga ko vas diskriminiše možete da podnesete i krivičnu prijavu.

Zakon o ravnopravnosti spolova BiH predviđa kazne od 1.000 do 30.000 KM za obrazovne institucije koje ne obezbijede takve nastavne planove, programe i metodologije koje eliminišu diskriminaciju i nejednakost među spolovima i ne poduzmu odgovarajuće mjere i mehanizme zaštite protiv diskriminacije na osnovu spola. Zakon o osnovnom obrazovanju i vaspitanju RS predviđa kazne od 1.000 do 5.000 KM za školu koja ne poduzme odgovarajuće mjere i efikasne mehanizme zaštite od diskriminacije i uznemiravanja na osnovi spola i seksualnog uznemiravanja, a odgovorno lice u školi kaznom od 500 do 1.000 KM.